

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehma etfandije Čurčića br.6, 71000 Sarajevo		Id broj: 4201159630005

Broj: 01-04-6-02821-4/2021  
Sarajevo, 9.7.2021. godine

Na osnovu člana 64. stav (1) tačka b), člana 70. st. (1), (3) i (6), te čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-02821-3/2021 od 9.7.2021. godine, Direktor Federalne uprave za inspekcijske poslove kao ugovornog organa, donosi,

## O D L U K U

### o izboru najpovoljnijeg ponuđača i dodjeli ugovora o nabavci usluga kolektivno osiguranje uposlenika Federalne uprave za inspekcijske poslove

#### Član 1

Prihvata se preporuka Komisije za javnu nabavku broj 01-05-6-02821-3/2021 od 9.7.2021. godine, te se ugovor o javnoj nabavci usluga kolektivnog osiguranja uposlenika Federalne uprave za inspekcijske poslove dodjeljuje ponuđaču “ASA osiguranje” d.d. Sarajevo, čija ponuda broj I-110529/21 od 2.7.2021. godine je ocijenjena najpovoljnijom.

#### Član 2.

Ugovor sa ponuđačem iz člana 1. ove odluke će se zaključiti pod sljedećim uslovima:

- Ukupna cijena 22.978,08 KM
- Planirani broj osiguranih lica: 162 (stotinušezdesetidva),
- Cijena osiguranja po jednom osiguranom licu mjesečno: 11,82 KM
- Rok isplate po osnovu eventualno nastalog osiguranog nesretnog događaja je: 1 (jedan) dan računajući od dana dostavljanja kompletne dokumentacije
- Ugovor će se zaključiti na period od 1 /jedna/ godine od dana zaključivanja istog, a primjenjivat će se od 7.9.2021. godine do 7.9.2022. godine
- Rok plaćanja ponuđaču je 30 /trideset/ dana od dana prijema mjesečne fakture na protokol Ugovornog organa.

#### Član 3.

Ova odluka će se objaviti na web stranici Federalne uprave za inspekcijske poslove.

#### O b r a z l o ž e n j e

Na osnovu odluke direktora Federalne uprave za inspekcijske poslove broj 01-04-6-02821/2021 od 10.6.2021. godine pokrenut je konkurentski postupak uz primjenu e-aukcije za nabavku usluga kolektivno osiguranje uposlenika Federalne uprave za inspekcijske poslove. Obavještenje o javnoj nabavci broj 1292-7-2-1-3-/21 je objavljeno na Portalu javnih nabavki dana 17.6.2021. godine. Tenderska dokumentacija je učinjena dostupnom potencijalnim ponuđačima na Portalu javnih nabavki. Istovremeno sa objavljivanjem obavještenja o javnoj nabavci na portalu javnih nabavki, u skladu sa članom 88. stav (1) Zakona o javnim nabavkama je upućen zahtjev za dostavljanje ponude na adresu 3 potencijalna ponuđača.

Dana 6.7.2021. godine Komisija za javne nabavke ugovornog organa je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-04-6-02821-2/2021 koji je putem pošte odmah upućen ponuđačima.

Na javnom otvaranju ponuda nije prisustvovao niko od predstavnika ponuđača koji su dostavili ponudu, kao ni druge zainteresovane osobe.

Na javnom otvaranju ponuda je konstatovano da su svoje ponude blagovremeno dostavili slijedeći ponuđači, po cijenama prikazanim u slijedećoj tabeli:

Naziv/ime ponuđača	Ukupna cijena ponude
„CENTRAL OSIGURANJE“ d.d. Sarajevo	25.310,88 KM
„ASA OSIGURANJE“ D.D. SARAJEVO	22.978,08 KM

Dana 6.7.2021. godine, na zatvorenom sastanku komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su ponuđači dostavili urednu dokumentaciju traženu u postupku, odnosno da su kvalificirani za dalji tok postupka, te da ne postoje razlozi za odbacivanje ponude bilo kojeg od ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 9.7.2021. godine, sa početkom u 09:00 sati.

Komisija je dana 9.7.2021. godine, nakon provedenog postupka e-aukcije na zatvorenom sastanku izvršila uvid u Izvještaj o toku i završetku e-aukcije, kojom prilikom je konstatovala da je e-aukcija trajala od 09:00 do 09:10 sati, te da su oba ponuđača ostala kod svojih prvobitnih ponuda.

Slijedom navedenon, nakon završetka e-aukcije, Komisija je konstatovala da su ponuđači u ovom postupku dali svoje konačne ponude po cijenama prikazanim u slijedećoj tabeli:

Naziv /ime ponuđača	Početna cijena	Konačna cijena nakon e-aukcije	Rang
„ASA OSIGURANJE“ D.D. SARAJEVO	22.978,08 KM	22.978,08 KM	I
„CENTRAL OSIGURANJE“ D.D. SARAJEVO	25.310,88 KM	25.310,88 KM	II

Slijedom rezultata prikazanih u Izvještaju o toku i završetku e-aukcije, komisija je konstatovala da je najpovoljnija ponuda ona koju je dostavio ponuđač „ASA osiguranje“ d.d. Sarajevo, koji je za predmetne usluge ponudio ukupnu cijenu od 22.978,08 KM.

Komisija je slijedom naprijed navedenih činjenica sačinila preporuku broj 01-04-6-02821-3/2021 od 9.7.2021. godine, koju je dostavila direktoru uprave na razmatranje, a u kojoj je predložila da se ugovor u skladu sa kriterijem najniža cijena ponude, dodijeli ponuđaču „ASA osiguranje“ d.d. Sarajevo.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za nepriznavanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

**DIRKTOR**  
**Anis Ajdinović**

Dostaviti:

1. „Central osiguranje“ d.d. Sarajevo, Džemala Bijedića 39, 71000 Sarajevo,
2. „ASA osiguranje“ d.d. Sarajevo, Trg međunarodnog prijateljstva 25, 71000 Sarajevo,
3. Sektor za materijalno-fnansijske i tehničke poslove,
4. Sektor za tehničku podršku i plansko-analitičke poslove
5. Komisija za javne nabavke (a/a).